

**PM Brazil**

وزیر اعظم نریندر مو دی 5 ملکان غا دورہ غا سلسلہ ماتہ آج برازیل غا شہر رانیو ڈی جنیریو پُچ گیا ہیں۔ اپنا دورہ غے دوران وزیر اعظم بریکس سمیلن ماتہ شرکت کریں گا۔ وے اس سمیلن غے دوران عالمی انتظامیہ، امن تے سلامتی، کثیر رُخی تعلقات ماتہ فروغ دین، مصنو عی ذہانت غو ذمہ دارانہ استعمال، ماحولیاتی کاروائی، عالمی صحت، نالے اقتصادی تے مالی معاملن ور بریکس غا دوجا لیڈران سنگ اپنا خیالات غو تبادلہ کریں گا۔ بریکس چوٹی کا نفرنس غی اس تقریب غا کلاسرے وزیر اعظم کا نفرنس ماتہ شامل لیڈران سنگ دو طرفہ معاملن ور وی گل بات کریں گا۔ جناب مو دی برازیل غی راجدھانی برازیلہ غو دورو وی لا ویں گا۔ جت وے صدر لیوز انا شیو لولا دا سلوا سنگ اپسی مفاد غا دو طرفہ معاملن ور گل بات کریں گا۔ جن ماتہ تجارت دفاع، توانائی، خلاء، ٹیکنالوجی، ذراعت، صحت تے عوامی مفاد شامل ہیں۔ مہارا نمائندہ نے جانکا ری دیتاں وان دسیو ہے جے اس تنظیم غا ممبر ملکان غی طرفوں غور کیا جان آلا موضوعات ور گل بات غی خاطر کم کیو جا چکو ہے۔ جس غے بعد اس سلسلہ ماتہ اک سانجو بیانیو جاری کیو جا ئیگو۔

\*\*\*\*\*

**PM Argentina**

وزیر اعظم نریندر مو دی نے کل ارجنٹینا غا صدر چوئر ملی سنگ گل بات کی ہے۔ گذشتہ 57 بہراں غے دوران کسے وی بھارتی وزیر اعظم غو ارجنٹینا غو یوہ پہلو دورو ہے۔ دوہاں ملکان بشکار دو طرفہ امور غا بکھ بکھ معاملن ور تفصیلی گل بات ہوئی۔ دوہاں ملکان بشکار صنعت و تجارت، ٹیکنالوجی، دفاع خلاء، صحت تے فارمہ سیٹیکل جیسا شعباں ماتہ مزید تعاون بدھان ور اتفاق ظاہر کیو گیو۔ اس توں علاوہ بھارت تے ارجنٹینا بشکار بکھ بکھ معاملن ماتہ شراکت ہور ڈونگی بنان ور وی غور کیو گیو۔

\*\*\*\*\*

**SANJY 2025**

سخت حفاظتی بندو بست بشکار امرناتھ یا تریاں غو اک ہور قافلو آج بھگوتی نگر یا تری نواس غا بنیا دی کیمپ تیں امرناتھ یا ترہ غا سلسلہ ماتہ وادی کشمیر در روانہ ہو گیو ہے۔ اس قافلہ ماتہ کل 7 ہزار 2 سو 8 یا تری شامل ہیں۔ یا تریاں غو یوہ قافلو 3 سو 7 گڈیاں ور سوار ہو غے آج سویرے وادی کشمیر در روانہ کیو گیو ہے۔ امرناتھ یا تریاں غا اس قافلہ ماتہ 5 ہزار 2 سو 58 مرد، 1 ہزار 5 سو 87 خواتین، 30 بچہ، 2 سو 77 سادھو تے 56 سادھوی شامل ہیں۔ یا تریاں غا اس قافلہ وچوں 3 ہزار 1 سو 99 یا تری بالٹال بنیا دی کیمپ جد کہ 4 ہزار 9 یا تری پہلگام بنیا دی کیمپ در روانہ کیا گیا ہیں۔ جتوں وے امرناتھ گفہ در اپنو اگلو سفر شروع کریں گا۔ اسے دوران کل امرناتھ گفہ غا 21 ہزار 1 سو 9 یا تریاں نے درشن کیا ہیں۔ یا تریاں غی یاہ تعداد

گذشتہ 3 روز غے دوران سب تیں متی درج کی گئی ہے۔ اس غے نال ہی ہُن توڑی گذشتہ 3 روز غے دوران کل 47 ہزار 9 سو 72 یا تری امرناتھ گُفہ غا درشن کر چکا ہیں۔

\*\*\*\*\*

## LG SC Meet

کوئلہ کانن تے سٹیل بارے ممبر پارلیمنٹ آنو راگ سنگھ ٹھاکر غی سربراہی آلی پارلیمانی سٹینڈینگ کمیٹی نے کل راج بھون سرینگر ماتھ لیفٹنٹ گورنر منوج سنہا سنگ ملاقات کی ہے۔ اس موقع ور بولتاں واں آنو راگ سنگھ ٹھاکر غو کہنو تھو جے کمیٹی غو یوہ دورو پہلگام دہشت گردانہ حملہ تیں بعد بھارت سرکار غی طرفوں اعتماد بحالی غو اک حصو ہے۔ اس دورہ سنگ پورا ملک ماتھ یوہ پیغام جائے گو جے کشمیر محفوظ تے پُر امن ہے۔ سٹینڈینگ کمیٹی اپنا دورہ غے دوران لیفٹنٹ گورنر غی طرفوں جموں کشمیر ماتھ کیا گیا سُدھار ان تے ترقی غی پالیسیاں ناتھ عملان ور اُن ناتھ مبارک وی پیش کی۔ اس موقع ور بولتاں واں لیفٹنٹ گورنر نے جموں کشمیر غی پروبر ترقی غا اپنا عظم ناتھ دُبرایو۔ اُنہاں نے یوٹی غی سلامتی صورتحال بارے وی سٹینڈینگ کمیٹی غا ممبراں ناتھ جانکاری دتی۔ اُن غو کہنو تھو جے جموں کشمیر امن غی خواہشمند ہے تے لوکاں ماتھ قوم غے تتیں بھر پور پیار تے جذبہ موجود ہے، کیونجے اُن ناتھ پتو ہے جے اُن غو مستقبل بھارت سنگ جڑیو وہ ہے۔ اُن غو کہنو تھو جے پہلگام دہشت گردانہ حملہ غے بعد پاکستان غے خلاف یوٹی غی گلیاں ماتھ دیکھیا جان آلا احتجاج ہے مثال تھا۔ لیفٹنٹ گورنر نے جعلی بیانیہ تے پراپگنڈہ غو مقابلو کیا جان غی ضرورت ور وی زور دتو، تانجے قوم دشمن عناصر غا بیانیہ ناتھ ناکام بنایو جا سکے۔

\*\*\*\*\*

## Muharram

آج عاشورہ مُحرم ملک غا بکھ بکھ حصاں ماتھ عقیدت سنگ منایو جا رہیو ہے۔ یوہ دِن بانی اسلام حضرت محمد ﷺ غا نواسہ حضرت امام حسین غی کربلا غا مقام ور سچائی، انصاف تے نیکی غا علم ناتھ بلند رکھن غی جدوجہد غے دوران ہوئی شہادت غی یا دمانہ منایو جائے۔ اس موقع ور تازیہ غا جلوس وی کڈھیا جائیں گا۔ اس موقع غی مناسبت سنگ کئی تقاریب منعقد کی جائیں گی۔ جن ماتھ اس واقعہ تے فلسفہ شہادت ور لوہ پائی جائے گی۔ اس موقع ور سخت حفاظتی بندوبست کیا گیا ہیں۔

\*\*\*\*\*